

অবিলম্বে প্রকাশের উদ্দেশ্যে: 4/20/2019

গভর্নর অ্যাঙ্কু এম. কুওমো

**অটো শিল্পে কর্মসংস্থান সৃষ্টির লক্ষ্যে কারিগরদের প্রশিক্ষণ দিতে গভর্নর কুওমো টাস্কফোর্স
গঠনের ঘোষণা দিয়েছেন**

***‘এক্সেলশিয়র অটোমেটিভ টেকনিশিয়ান টাস্কফোর্স’ নির্দিষ্ট কার প্রস্তুতকারকদের জন্য দক্ষ কর্মী
তৈরিতে শিক্ষা কর্মসূচি প্রণয়ন করবে***

গভর্নর অ্যাঙ্কু এম. কুওমো আজ একটি নতুন টাস্কফোর্স গঠনের ঘোষণা দিয়েছেন যার কাজ হবে গাড়ির কারিগরদের প্রশিক্ষণ দেওয়া এবং প্রশিক্ষার্থীদের সরাসরি উৎপাদন শিল্পে কাজের সুযোগ তৈরি করা। গভর্নর নিউইয়র্ক সিটির জ্যাকব জেভিটস সেন্টার (Jacob Javits Center) -এ 19-28 এপ্রিল অনুষ্ঠিতব্য নিউইয়র্ক ইন্টারন্যাশনাল অটো শো-এর উদ্বোধনী অনুষ্ঠানে এক্সেলশিয়র অটোমেটিভ টেকনিশিয়ান টাস্কফোর্স-এর ঘোষণা দিয়েছেন।

"এই স্টেটে আমরা যে কাজটি করতে যাচ্ছি তা হলো আমাদের শিক্ষা ব্যবস্থাকে বদলে ফেলা, যেখানে নিউইয়র্ক স্টেট ইউনিভার্সিটি শিল্প কারখানাগুলোর সাথে যৌথভাবে মিলে বিশেষায়িত প্রশিক্ষণ প্রদান করবে যাতে করে আপনি বিশ্ববিদ্যালয়ে পড়া শেষে নিশান-প্রত্যায়িত বা হোল্ডা-প্রত্যায়িত অথবা বিএমডব্লিউ (BMW)-প্রত্যায়িত একজন কারিগর হিসেবে বের হতে পারেন", **গভর্নর কুওমো বলেন।** "আমাদের এখানে প্রায় 75,000 কারিগরি চাকুরি রয়েছে যেগুলো ভালো এবং উচ্চ-বেতনের চাকুরি, এবং আমরা নিউইয়র্কারদেরকে এখানে, এই নিউইয়র্কেই সেসব কাজের জন্য প্রস্তুত করতে চাই। এই নতুন টাস্কফোর্সটি আমাদেরকে সে লক্ষ্যের পথে নিয়ে যাবে।"

"আমরা নিশ্চিত করতে চাই যে স্টেট জুড়ে বিভিন্ন শিল্পকারখানার চাকুরি নিউইয়র্কের সবাই তাদের প্রয়োজনীয় এই দক্ষতাগুলো লাভ করবে", **লেফ্টেন্যান্ট গভর্নর ক্যাথি হোচুল বলেন।** "এই টাস্কফোর্স নিশ্চিত করবে যাতে এই কর্মসূচিতে মানুষ অংশগ্রহণ করতে পারে যার আওতায় তারা অটো শিল্পে চাকুরির জন্য প্রস্তুতির প্রশিক্ষণ নিতে পারে। এটি তাদের নির্দিষ্ট কার প্রস্তুতকারী কারখানায় কিভাবে কাজ করতে হয় তা শেখাবে। এক্সেলশিয়র অটোমেটিভ টেকনিশিয়ান টাস্কফোর্স বিভিন্ন শিল্পকারখানার জন্য শ্রমশক্তির উন্নয়নের সুযোগ তৈরিতে আমাদের প্রচেষ্টাকে এগিয়ে নিয়ে যাবে যাতে করে নিউইয়র্কের অধিবাসীগণ দক্ষতার ঘাটতি পূরণ করতে পারে এবং তাদের সেরা জীবনমান উপভোগ করতে পারে।"

বিদ্যমান অনেক বৃত্তিমূলক কর্মসূচিতে সাধারণ কারিগরি শিক্ষা প্রদান করা হয়, কিন্তু যেসব প্রশিক্ষণ সুনির্দিষ্ট করে তৈরি করা সেগুলো শিক্ষার্থী ও কোম্পানী উভয়কেই সুবিধা দেয়। সাধারণত, সম্ভাব্য কারিগরগণ তাদের গাড়ির কাজকর্ম কিভাবে করবেন তা শেখাতে অটো প্রস্তুতকারকগণের

জন্য অনন্য প্রশিক্ষণ কর্মসূচি প্রয়োজন। একাজটি বর্তমানে কয়েকটি SUNY স্কুলে করা হচ্ছে যেখানে শিক্ষার্থীগণ সুবারু, টেসলা ও টয়োটা (Subaru, Tesla ও Toyota)-এর মতো অটোমোটিভ কোম্পানীগুলোতে কাজ করছে।

গভর্নর নিউইয়র্ক স্টেট ডিপার্টমেন্ট অব মটর ভিকল (Department of Motor Vehicles, DMV)-কে এক্সেলশিয়র অটোমোটিভ টেকনিশিয়ান টাস্কফোর্স আয়োজনে নেতৃত্ব দেয়ার নির্দেশ দিয়েছেন, যা এই শিল্পে বৈচিত্র্য বাড়াতে নতুন নতুন সুযোগ তৈরির চেষ্টা করবে।

"আগামী দিনের চাকুরির জন্য কর্মীদের প্রশিক্ষণে নিউইয়র্কের প্রতিযোগিতা সক্ষমতা বাড়াতে এই উদ্ভাবনী দৃষ্টিভঙ্গির জন্য আমরা গভর্নর কুওমোকে ধন্যবাদ জানাই", **ভারপ্রাপ্ত DMV কমিশনার মার্ক জে. এফ. গ্রোয়েডার বলেছেন।** "আমরা একটি ইতিবাচক কর্মসূচি প্রণয়নে সব অংশীজনদের সাথে কাজের জন্য মুখিয়ে আছি যা কি-না শিক্ষার্থী ও শিল্প উভয়কে এবং চূড়ান্ত বিচারে যারা গাড়ি কিনবেন ও চালাবেন তাদের সবাইকেই সুবিধা দেবে।"

টাস্কফোর্সটি অটোমোটিভ, লেবার, ম্যানুফ্যাকচারিং ও একাডেমিক ক্ষেত্রগুলো থেকে বিভিন্ন অংশীজনকে সম্পৃক্ত করে বাজারের নিম্নোক্ত দিকটির উন্নয়নে কাজ করবে:

- মাধ্যমিক ও উচ্চমাধ্যমিক শিক্ষাস্তরে বিদ্যমান অটোমোটিভ কারিগরি কারিকুলামের মান বাড়ানো যাতে এগুলো প্রযুক্তিগত বিকাশের সাথে তাল মেলাতে পারে;
- বিদ্যমান প্রশিক্ষণ মডেলগুলো ও প্রাতিষ্ঠানিক ব্যবস্থাসমূহ চিহ্নিত করা ও সেগুলোর মানোন্নয়ন যাতে সেগুলো আধুনিক শ্রমশক্তির প্রয়োজনীয়তাকে প্রতিফলিত করে;
- সেরা নমুনা ও শিক্ষা মডেলগুলোকে ডিলার ও অনলাইনের সম্ভাব্য কারিগরদের মধ্যে ছড়িয়ে দেওয়া;
- শিক্ষক ও কলেজের অধ্যাপকদের জন্য পেশাগত উন্নয়ন কর্মসূচি প্রণয়ন ও বাস্তবায়ন করা যাতে তারা বাজারের প্রয়োজনের সাথে খাপ খাওয়াতে পারে;
- শ্রমশক্তির বৈচিত্র্য বাড়াতে ভেটারান ও নারীদের জন্য সুনির্দিষ্ট ও নতুন-নতুন প্রচারণা চালানো;
- নতুন পুন:প্রশিক্ষণ কর্মসূচি ও শিক্ষানবিশি সুবিধা প্রণয়ন ও সেগুলোতে বিনিয়োগ করা যাতে নতুন ও পুরনো কর্মীরা তাদের ক্যারিয়ার অব্যাহত রাখতে পারে; এবং
- অটোমোটিভ কারিগর পুন:প্রবেশ কর্মসূচি তৈরির জন্য সংশোধনী প্রতিষ্ঠানগুলোর সহায়তায় বিভিন্ন বিকল্প অনুসন্ধান করা।

###

অতিরিক্ত তথ্য পেতে দেখুন www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)